

(<https://news.usm.my>)

Berita Mutakhir

01  
MAR

## SEKRETARIAT KESELAMATAN JALAN RAYA USM BERI PELUANG PELAJAR USM MILIKI LESEN MEMANDU



**JOM DAPATKAN LESEN!**  
**SIRI II**

SILA HUBUNGI:  
AMIRUL : 012-4870579  
SYARIHA : 017-5016497

- \*HARGA ISTIMEWA UNTUK PELAJAR USM
- \*PENGANGKUTAN DISEDIAKAN
- \*MYCSD
- \*SAGUHATI
- \*HADIAH MISTERI

OFFICIAL SEKRETARIAT KESELAMATAN JALAN  
OFFICIAL\_SKJRUSM

BHEPA USM

USM, PULAU PINANG, 1 Mac 2017 – Sekretariat Keselamatan Jalan Raya Universiti Sains Malaysia (SKJRUSM) memberi peluang kepada pelajar USM mendapatkan lesen kenderaan melalui program 'Jom Dapatkan Lesen Siri 2'.

Yang Dipertua SKJRUSM, Hassan Azhar Mohamad Nor berkata, SKJRUSM menggalakkan pelajar USM mempunyai dan mendapatkan lesen kenderaan.

Katanya, program ini pernah dijalankan semasa tahun pertama penubuhan SKJRUSM pada awal tahun 2015 dan mendapat sambutan baik dengan 150 penyertaan daripada pelajar USM.

“Kebanyakan pelajar USM tidak mempunyai kenderaan persendirian untuk keluar mendaftar lesen dan pihak kami telah membuka kaunter pendaftaran lesen di dalam USM dengan kerjasama bersama Pusat Memandu Mutiara, Pulau Pinang,” jelas Hassan.

Sementara itu, pengarah projek, Amierul Nieshal Aby Bakar Ahamad pula berkata, kaunter pendaftaran ini dibuka di Foyer Dewan Kuliah USM setiap Isnin hingga Jumaat sepanjang sidang ini.

"Pusat Memandu Mutiara juga menyediakan pengangkutan untuk pelajar USM sepanjang kelas memandu berlangsung dan yang menarik, pelajar yang mendaftar di bawah SKJRUSM akan mendapat harga yang istimewa selain MYCSD juga turut disediakan," ujarnya.

Program Jom Dapatkan Lesen ini dikendalikan sepenuhnya oleh ahli-ahli SKJRUSM dengan matlamat untuk memudahkan pelajar USM mendapatkan lesen memandu.

Teks: Nur Shahidatul Shahira bt Zakaria (pelajar internship PP Komunikasi USM)



Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my](mailto:pro@usm.my) (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015